



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Corpus Doctrinæ Christianæ**

**Melanchthon, Philipp**

**Lipsiæ, 1572**

**VD16 M 2890**

II. De Vtraqve Specie Sacramenti.

**urn:nbn:de:hbz:466:1-36094**

Canonibus veteribus appetit vnum aliquem celebrasse Missam, à quo reliqui presbyteri & Diaconi sumferunt corpus Domini. Sic enim sonant verba Canonis Niceni, Accipiant Diaconi secundum ordinem post presbyteros, ab Episcopo vel à presbytero sacram communionem. Et Paulus de communione iubet ut alij alios expectent, ut fiat communis participatio.

Postquam igitur Missa apud nos habet exemplum Ecclesiæ, ex scriptura & patribus, confidimus improbari eam non posse, maxime cum publicæ ceremoniæ, magna ex parte similes vñtratis seruentur, tantum numerus Missarum est dissimilis, quem propter maximos & manifestos abusus certe moderari prodesset. Nam olim etiam in Ecclesijs frequentissimis non siebat quotidie Missa, vt testatur historia Tripartita lib. 5. cap. 38. Rursus autem in Alexandria quarta & sexta feria scripturæ leguntur, easq; doctores interpretantur, & omnia sunt præter solennem oblationis morem.)

## I I.

DE VTRAQVE SPECIE  
SACRAMENTI.

ET quoniam communis Missa apud nos celebratur, vt intelligat populus, se quoq; sanctificari sanguine Christi, & discat verum vñm ceremoniæ, Datur laicis vtraq; pars Sacramenti in cœna Domini, quia Sacramentum institutum est, non solum pro parte Ecclesiæ, scilicet pro presbyteris, Sed etiam pro reliqua Ecclesia, igitur & populus vñtrit Sacramento, sicut Christus instituit. Et quidem Christus inquit, Matth. 26. Bibite ex hoc omnes, vbi manifeste ait de poculo, vt omnes bibant. Et ne quis cauillari possit quod id tantum ad sacerdotes pertineat, Pauli ordinatio ad Corinthios testatur, totam Ecclesiam communiter vñm esse vtraq; parte. Hic mos diu manxit etiam in Latinis Ecclesijs, nec constat, quando aut quo autore mutatus sit. Cyprianus aliquot locis testatur populo sanguinem datum esse, Sic scribit alicubi ad Cornelium Papam: Quomodo docemus, aut prouocamus eos in confessione nominis, sanguinem suum fundere, si eis militaturis Christi sanguinem denegamus? Aut quomodo ad martyrij poculum idoneos facimus, si non eos prius ad bibendum in Ecclesia poculum Domini, iure communicationis admittimus? Et Hieronymus inquit: Sacerdotes Eucharistie ministrant, & sanguinem Christi populis diuidunt.

Extat in Decretis canon Pontificis Gelasij, qui prohibet diuidi Sacramentum, his verbis: Comperimus autem quod quidam, sumta tantum corporis sacri portione, à calice sacri cruoris abstinent,

D 5 neant,

neant, qui proculdubio, quoniam nescio qua superstitione docentur astringi, aut integra Sacra menta percipient, aut ab integris arceantur, quia diuisio vnius eiusdemque mysterij, sine grandi sacrilegio, non potest accidere.

In Historia Tripartita scriptum est, in obiurgatione Theodosij Imperatoris, quem Ambrosius noluit ad communionem admittere sine paenitentia, propterea quod Thessalonicae paucorum militum necem, qui per tumultum interfecti fuerant, nimis acerbe vltus erat, trucidaueratq; septem millia ciuium. Hic Ambrosius inquit: Quomodo his manibus suscipes sanctum Domini corpus & qua temeritate, ore tuo, poculum sanguinis preciosi percipies? &c. Constat igitur veteris Ecclesiae morem fuisse, dare populo vtramque Sacramenti partem. Tantum consuetudo non ita vetus, adimite populo alteram partem. Non disputabimus autem, quid sentendum sit de consuetudine recepta, contra autoritatem Apostolicarum scripturarum, contra Canones, contra exemplum veteris Ecclesiae, Intelligunt enim omnes ppij, conscientias de doctrina Christiana verbum Dei consulere debere, nec approbadam esse consuetudinem contra verbum Dei. Quanquam autem consuetudo, mutauerit in latina Ecclesia veterem morem, tamen non improbat, aut prohibet. Nec vero humana autoritas prohibere ordinationem Christi, & receptissimum usum veteris Ecclesiae debet. Ideo nos non duximus prohibendum esse usum integri Sacramenti. Et in ea ceremonia, qua debet esse fœdus mutuae dilectionis in Ecclesia, non voluimus contra caritatem duri esse aliorum conscientiarum, qui maluerunt integrum Sacramento vti, neq; saevitiam ea in re vllam exercendam esse purauimus. Sed quantum possumus, vna cum ipsa ceremonia, restituimus pianam doctrinam de fructu ceremonia, ut intelligat populus, quomodo Sacramentum propositum sit, ad consolandas conscientias eorum, qui agunt paenitentiam. Haec doctrina, inuitat ploros ad usum ad & reverentiam Sacramenti. Etenim non solum ceremonia mutilata fuit antea, Sed etiam neglecta præcipua doctrina de fructu. Et fortassis ceremonia mutilatio, significavit obscuratum esse Euangelium de sanguine Christi, hoc est, de beneficio mortis Christi. Nunc Dei beneficio, renouatur ac restituitur pura doctrina de fide, vna cum ceremonia.

*Hunc Articulum reperimus alibi collocatum primo loco inter eos, quibus recententur abusus mutati.*

#### DE VTRIQUE SPECIE.

¶ Laicis datur vtragi Species Sacramenti in cena Domini, quia hic mos habet mandatum Domini Matth. 26. Bibite ex hoc omnes.

nes. Vbi manifeste præcipit Christus de poculo ut omnes bibant, & ne quis possit cauillari, quod hoc ad Sacerdotes tantum pertineat, Paulus ad Corinth. exemplum recitat, in quo apparet totam Ecclesiæ vtræque specie ysam esse. Et diu manet hic mos in Ecclesiæ, nec constat quando aut quo autore mutatus sit. Cyprianus aliquot locis testatur populo sanguinem datum esse. Idem testatur Hieronymus, qui ait, Sacerdotes Eucharistia ministrant, & sanguinem Christi populis diuidunt. Imo Gelasius Papa mandat, ne diuidatur Sacramentum. Dist. 2. de consecratione. Cap. comperimus. Tantum consuetudo non ita verus aliud habet. Constat, autem quod consuetudo contra mandata Dei introducta, non sit probanda, ut testantur Canonæ, Dist. 8. Cap. veritate, cum sequentibus. Hæc vero consuetudo non solum contra scripturam, sed etiam contra veteres Canonæ & exemplum Ecclesiæ, recepta est. Quare si qui maluerunt vtræque specie Sacramenti vti, non fuerunt cogendi, ut aliter facerent cum offensione conscientiæ.

Et quia diuisio Sacramenti non conuenit cum institutione Christi, solet apud nos omitti processio, quæ hactenus fieri solita est.)

## I I I.

## D E C O N F E S S I O N E .

**H**VIC parti doctrinæ Christianæ de pœnitentia, in primis manus tenebras ossuderunt Theologi & Canonistæ. Idq; testantur non solum iporum Bibliothecæ, sed etiam omnium piorum conscientiæ, quæ fatentur illas inextricabiles disputationes Theologorum, & traditiones infinitas de pœnitentia, horribilem carnificinam conscientiarum fuisse. Nusquam enim quicquam certi docent, quomodo contingat remissio peccatorum: De fide proflus est aliquid silentium. Imo iubent perpetuo dubitare de remissione peccatorum. Postea excruciant conscientias acerba enumeratione delictorum, Item satisfactionibus. Qualis enim Jaqueus conscientia fuit traditio, quæ præcipit omnia peccata enumerare?

Satisfactiones vero obscurauerunt beneficium Christi, quia etiam docti fingunt, per eas compensati eternam mortem. Indocti putabant his operibus emi remissionem culpe. Quid quod plerique fuerint cultus non mandati a Deo, *βαπτισμόν* precum, innoxiationes sanctorum, peregrinationes, & hoc genus alia? Ita fuit obscura ingenti aceruo inutilium ac malarum, opinionum, simplex doctrina de pœnitentia. Et constat multis seculis bonos desiderasse doctrinam puriorem.

Porro, præcipue opus est in Ecclesia extare purissimam & simplicissimam de pœnitentia doctrinam. Ideo. huic articulo maxime studue-